

四庫全書

史部

欽定四庫全書

西漢會要卷五十二

宋 徐天麟 撰

食貨三

算筭

筭筭

景紀後二年服虔注云
筭萬錢算百二十七

算車船

武帝元光六年初算商車

本紀注云始稅商
買車船令出算

時公卿言異時算輅車有差請算如故非吏比者三老

北邊騎士輅車一算

師古曰比例也身非為吏之例非為三老非為北邊騎士而有輅車

皆令出一算

商賈人船車二算船五丈以上一算匿不自占

占不悉戍邊一歲有能告者以其半畀之

食貨志

算緡錢

武帝元狩四年初算緡錢

本紀李斐曰一貫千錢出算二十也師古曰謂有儲積錢

者計其緡而稅之

公卿言異時算輅車賈人緡錢有差請算如故諸賈人

未作賞貸賣買居邑積諸物及商以取利者雖無市籍各

以其物自占率緡錢二千而一算

瓚曰此緡錢為是儲緡錢也故隨其用所

施施於利重者其算亦多

諸作有租及鑄

如淳曰以手力所作而賣之

率緡錢四

千而一算匿不自占占不悉戍邊一歲沒入緡錢有能

告者以其半畀之

食貨志

元鼎三年十一月令民告緡者以其半與之

本紀

天子既下緡錢令而尊卜式百姓終莫分財佐縣官於

是告緡錢縱矣

故令相告言也

楊可告緡徧天下中家以上大

氏皆遇告杜周治之獄少反者迺分遣御史廷尉正監分曹往往即治郡國緡錢得民財物以億計奴以千萬數田大縣數百頃小縣百餘頃宅亦如之於是商賈中家以上大氏破民媮甘食好衣不事蓄臧之業而縣官以鹽鐵緡錢之故用少饒矣

食貨志

楊可方受告緡義縱以為此亂民部吏捕其為可使者天子聞使杜式治以為廢格沮事業縱市

史記義縱傳

元鼎四年令民得蓄邊縣官假馬母三歲而歸及息什

一以除告緡用充入新秦中

食貨志師古曰官得毋馬之息以給用度故除告緡

之令也

租六蓄

武帝租及六蓄

西域傳贊

昭帝元鳳二年令郡國無歛今年馬口錢

本紀文穎曰往時有馬口

出歛錢今省如淳曰所請租及六蓄也

翟方進請算馬牛羊

張晏曰馬牛羊頭數出稅算千輸二十也

雜稅

武帝太初四年徙弘農都尉治武關稅出入者以給關

吏卒食

本紀

軍市租

馮唐傳魏尚為雲中守軍市租盡以給士卒

市籍租

何武傳

橐租

貢禹傳

海租

食貨志耿壽昌白增海租三倍

海稅

平紀注云海丞主海稅

給獻費

高帝十一年詔曰欲省賦甚今獻未有呈吏或多賦以
為獻而諸侯王尤多民疾之令諸侯王通侯常以十月
朝獻及郡各以其口數率人歲六十三錢以給獻費

本紀

以粟當賦

昭帝元鳳二年令三輔太常郡得以菽粟當賦

紀師古曰諸侯

應出賦算租稅者皆聽以菽粟當錢物也

六年詔穀賤傷農令三輔太常穀賤其令以菽粟當令

年賦

本紀

募民入粟

晁錯說文帝曰方今之務莫若使民務農欲民務農在於貴粟貴粟之道在於以粟為賞罰今募天下入粟縣官得以拜爵得以除罪如此則富人有爵農民有錢粟有所滌夫能入粟以受爵者皆有餘者也取於有餘以供上用則貧民之賦可損所謂損有餘補不足令出而民利者也粟者王者大用政之本務令民入粟受爵至五大夫乃復一人耳此其與騎馬之功相去遠矣爵者

上之所擅出於口而亡窮粟者民之所種生於地而不
乏夫得高爵與免罪人之所甚欲也天下使人入粟於
邊以受爵免罪不過三歲塞下之粟必多矣於是文帝
從錯之言令民入粟邊六百石爵上造稍增至四千石
為五大夫萬二千石為大庶長各以多少級數為差錯
復奏言陛下幸使天下入粟塞下以拜爵甚大惠也竊
恐塞卒之食不足用大漑天下粟邊食足以支五歲可
令入粟郡縣矣足支一歲以上可時赦勿收農民租時

有軍役若遭水旱民不困乏天下安寧歲熟且美則民大富樂矣上復從其言迺下詔賜民十二年租稅之半

明年遂除民田之租稅

食貨志

武帝通西南夷道悉巴蜀租賦不足以供之乃募豪民田南夷入粟縣官而內受錢於都內

同上

權酤

文帝後三年詔曰以口量地其於古猶有餘而食之甚不足者其咎安在無乃為酒醪以靡穀者多與

本紀

景帝中三年夏旱禁酤酒

本紀

後元年夏民得酤酒

本紀

武帝天漢三年初權酒酤

本紀章昭曰以木渡水曰權謂禁民酤釀獨官開置如道

路設木為權獨取利也師古曰權者獨步橋今畧約是

昭帝始元六年二月詔有司問郡國所舉賢良文學民所疾苦議罷鹽鐵權酤秋七月罷權酤官賣酒升四錢

本紀按食貨志云弘羊與丞相千秋共奏罷酒酤

鹽鐵

秦田租口賦鹽鐵之利二十倍於古漢興循而未改

貨食

志

孝惠高后時吳有豫章銅山即招致天下亡命盜鑄錢

東煮海水為鹽以故無賦國用饒足

吳王
澤傳

班固贊曰吳王擅山之利能薄歛以使其衆逆亂之
萌自其子興古者諸侯不過百里山海不以封蓋防
此矣

文帝後六年弛山澤

本紀

董仲舒說武帝曰宜少近古鹽鐵皆歸於民然後可善

治也

食貨志

元狩中兵連不解縣官大空富商大賈治鑄鬻鹽財或

累萬金而不佐公家之急於是東郭咸陽孔僅為大

農丞領鹽鐵事

已上元狩四年事

五年大農上鹽鐵丞孔僅咸

陽言山海天地之藏宜屬少府陛下弗私以屬大農佐

賦願募民自給費因官器作鬻鹽官與牢盆

蘇林曰牢盆價直也今

世人言願手牢如淳曰牢廩食也古者名廩為牢盆煮鹽盆也師古曰牢蘇說是

浮食竒民欲

擅幹山海之貨以致富羨役利細民其沮事之議不可
勝聽敢私鑄鐵器煮鹽者鈇左趾沒入其器物郡不出
鐵者置小鐵官

鑄故
鐵

使屬在所縣使僅咸陽乘傳舉行

天下鹽鐵作官府除故鹽鐵家富者為吏吏益多賈人
矣孔僅使天下鑄作器三年中拜為大農列於九卿而
縣官以鹽鐵緡錢之故用少饒矣

少史
作益

益廣開置左右

輔初大農幹鹽鐵官布多置水衡欲以主鹽鐵及揚可
告緡上林財物衆乃令水衡主上林上林既充滿益廣

云云元鼎六年拜卜式為御史大夫式既在位見郡國

多不便縣官作鹽鐵器苦惡

鹽味苦
器脆惡

賈貴或彊令民買

之迺因孔僅言事上不說漢連出兵三歲費仰大農以

均翰調鹽鐵助賦故能澹之

食貨志

元鼎中博士徐偃使行風俗偃矯制使膠東魯國鼓鑄

鐵鹽還奏事徙為太常丞御史大夫張湯劾偃矯制大

害法至死偃以為春秋之義大夫出疆有可以安社稷

存萬民顯之可也湯以致其法不能誣其義有詔下終

軍問狀軍詰偃曰古者諸侯國異俗分百里不通時有聘會之事安危之執呼吸成變故有不受辭造命顛已之宜今天下為一萬里同風故春秋王者無外偃巡封域之中稱以出疆何也且鹽鐵郡有餘臧正二國廢不鼓不足以為利害而以安社稷存萬民為辭何也又詰偃膠東南近琅邪北接北海魯國西枕泰山東有東海受其鹽鐵偃度四郡口數田地率其用器食鹽不足以并給二郡邪將執宜有餘而吏不能也何以言之偃矯

制而鼓鑄者欲及春耕種贍民器也今魯國之鼓當先具其備至秋乃能舉火此言與實反者非偃已前三奏無詔不惟所為不許而直矯作威福以從民望干名采譽此明聖所必加誅也枉尺直尋孟子稱其不可令所犯罪重所就者小偃自予必死而為之邪將幸誅不加欲以采名也偃窮誣服罪當死軍奏偃矯制顛行非奉使體請下御史名偃即罪奏可上善其詰有詔示御史

大夫

終軍傳

元封元年桑弘羊為治粟都尉領大農盡民僅幹天下
鹽鐵迺請置大農部丞數十人分部主郡國各往往置

均輸鹽鐵官

食貨志

昭帝即位六年詔郡國舉賢良文學之士問以民所疾
苦教化之要皆對願罷鹽鐵酒榷均輸官毋與天下爭
利示以儉節弘羊難以為國家大業所以制四夷安邊
足用之本不可廢也

食貨志

所謂鹽鐵議者起始元中召文學賢良問以治亂皆對

願罷郡國鹽鐵酒榷均輸毋與天下爭利御史大夫弘
羊以為此迺所以安邊竟制域外國家大業不可廢也
當時相詰難頗有其議文至宣帝時汝南桓寬次公推
衍鹽鐵之議增廣條目極其論難著數萬言亦欲以究
治亂成一家之法焉其辭曰觀公卿賢良文學之議異
乎吾所聞聞汝南朱生言當此之時英俊並進賢良茂
陵唐生文學魯國萬生之徒六十有餘人咸聚闕庭抒
六藝之風陳治平之原知者贊其慮仁者明其施勇者

見其斷辨者騁其辭斷斷焉行行焉雖未詳備斯可畧
觀矣山中劉子推言王道矯當世反諸正彬彬然弘博
君子也九江祝生奮史魚之節發憤懣譏公卿介然直
而不撓可謂不畏彊圉矣桑大夫據當世合時變上推
利之略雖非正法鉅儒宿學不能自解博物通達之士
也然攝公卿之柄不師古始放於末利處非其位行非
其道果隕其性以及厥宗車丞相履伊呂之列當軸處
中括囊不言容身而去彼哉彼哉若夫丞相御史兩府

之士不能正議以輔宰相成同類長同行阿意苟合以

說其上斗筲之徒何足選也

車千
秋贊

宣帝地節四年詔鹽民食之而賈咸貴其減天下鹽賈

本
紀

元帝元初五年罷鹽鐵官

本
紀

永光二年復鹽鐵官

紀按食貨志云元帝罷
鹽鐵官三年而復之

成帝綏和二年賜翟方進冊曰百僚用度各有數君增

益鹽鐵更變無常朕既不明隨奏許可云云方進自殺

程方
進傳

倚頓用鹽鐵起

甘鄆郭縱以鑄冶成業與王者埒富

蜀卓氏用鐵冶富

程鄭亦治鑄賈魍結民富埒卓氏擅鹽井之利期年所得自倍遂殖其貨

宛孔氏用鐵冶為業大鼓鑄家致數千金

丙氏以鐵冶起富至鉅萬

並貨
殖傳

西漢會要卷五十二

欽定四庫全書

西漢會要卷五十三

宋 徐天麟 撰

食貨四

錢幣

秦兼天下幣為二等黃金以溢名為上幣銅錢質如周錢文曰半兩重如其文而珠玉龜貝銀錫之屬為器飾寶藏不為幣然各隨時而輕重無常漢興以為秦錢重

難用更令民鑄莢錢黃金一斤而不軌逐利之民蓄積

贏餘以稽市物痛騰躍米石至萬錢匹馬至百金

食貨志

高后二年行八銖錢

本紀應劭曰本秦錢質如周錢文曰半兩重如其文漢鑄莢錢惠民

患其輕重至此

復行八銖錢

六年行五分錢

本紀即謂莢錢

文帝五年四月為錢益多而輕更鑄四銖錢其文為半

兩

本紀食貨志

武帝建元元年行三銖錢

本紀壞四銖造比也重如其文

五年罷二銖錢行半兩錢

本紀

自孝文更造四銖錢至元狩四年四十餘年從建元以來用少縣官往往即多銅山而鑄錢民益盜鑄不可勝數錢益多而輕物益少而貴有司言曰今半兩錢法重

四銖而姦或盜摩錢質而取鉛

鉛銅屑也

錢益輕薄而物貴

則遠方用幣煩費不省乃令縣官銷半兩錢更鑄三銖錢重如其文其明年有司言三銖錢輕輕錢易作姦詐乃更請郡國鑄五銖周郭其實令不得磨錢取鉛

食貨志按

本紀元狩五年罷半兩錢行五銖錢令以食貨志考之乃罷三銖非罷半兩通鑿考異亦云紀誤

元鼎二年郡國鑄錢民多姦鑄錢多輕而公卿請令京

師鑄錢赤仄

應劭曰所謂子紺錢也如淳曰以赤銅為其郭

一當五賦官用非

赤仄不得行其後二歲赤仄錢賤民巧法用之不便又

廢於是悉禁郡國毋鑄錢專令上林三官鑄錢既多而

令天下非三官錢不得行諸郡國前所鑄錢皆廢銷之

輸入其銅三官而民之鑄錢益少計其費不能相當唯

真工大姦乃盜為之

同上

自孝武元狩五年三官初鑄五銖錢至平帝元始中成

錢二百八十億萬餘云

同上

宣元成哀平五世亡所變改

同上

王莽居攝變漢制以周錢有子母相權於是更造大錢
徑寸二分重十二銖文曰大錢五十又造契刀錯刀契
刀其環如大錢身形如刀長二寸文曰契刀五百錯刀
以黃金錯其文曰一刀直五千與五銖錢凡四品並行

此以

後乃莽即真
後事不復錄

雜錄

元帝時貢禹言古者不以金錢為幣專意於農故一夫不耕必有受其飢者今漢家鑄錢及諸鐵官皆置吏卒徒攻山取銅錢一歲功十萬人已上中農食七人是七十萬人常受其飢也鑿地數百丈銷陰氣之精地臧空虛不能含氣出雲斬伐林木亡有時禁水旱之災未必不繇此也自五銖錢起已來七十餘年民坐盜鑄錢被刑者衆富人積錢滿室猶亡厭足民心動搖商賈求

利東西南北各用智巧好衣美食歲有十二之利而不
出租稅農夫父子暴露中野不避寒暑碎少杞土手足
胼胝已奉穀租又出稟稅鄉部私求不可勝供故民弃
本逐末耕者不能半貧民雖賜之由猶賤賣以賈窮則
起為盜賊何者末利深而惑於錢也是以姦邪不可禁
其原皆起於錢也疾其末者絕其本宜罷採珠玉金銀
鑄錢之官亡復以為幣市井勿得販賣除其租銖之律
租稅祿賜皆以布帛及穀使百姓壹歸於農復古道便

議者以為交易待錢布帛不可尺寸分裂禹議亦寢

禹貢

傳及食

貨志

有上書言古者以龜貝為貨今以錢易之民以故貧宜可改幣上以問師丹丹對言可改章下有司議皆以為行錢以來久難卒變易丹老人忘其前語後從公卿議

師丹

傳

錢禁

孝文五年除盜鑄錢令使民放鑄賈誼諫曰法使天下

公得顧租鑄銅錫為錢敢雜以鉛鐵為它巧者其罪黜然鑄錢之情非殺雜為巧者不可得贏而殺之甚微為利甚厚夫事有名禍而法有起姦今令細民人操造幣之執各隱屏而鑄作因欲禁其厚利微姦雖黜罪日報其執不止迺者民人抵罪多者一縣百數及吏之所疑榜笞奔走者甚衆夫設法以誘民使入陷阱孰積於此曩禁鑄錢死罪積下今公鑄錢黜罪積下為法若此上何賴焉又民用錢郡縣不同或用輕錢百加若干或用

重錢平稱不受法錢不立吏急而壹之庠則大為煩苛而力不能勝縱而弗呵庠則市肆異用錢文大亂苟非其術何鄉而可哉今農事棄捐而采銅者日蕃釋其耒耨冶鎔炊炭姦錢日多五穀不為多善人怵而為姦邪愿民陷而之刑戮刑戮將甚不詳奈何而忽國知患此吏議必曰禁之禁之不得其術其傷必大令禁鑄錢則錢必重重則其利深盜鑄如雲而起棄市之罪又不足以禁矣姦數不勝而法禁數潰銅使之然也故銅布於

天下其為禍博矣今博禍可除而七福可致也何謂七
福上收銅勿令布則民不鑄錢黥罪不積一矣偽錢不蕃
民不相疑二矣采銅鑄作者及於耕田三矣銅畢歸上
上挾銅積以御輕重錢輕則呂術斂之重則呂術散
之貨物必平四矣呂作兵器呂假貴臣多少有制用別
貴賤五矣呂臨萬貨呂調盈虛呂收竒羨則官富實而
末民困六矣制吾棄財呂與匈奴逐爭其民則敵必懷
七矣故善為天下者因禍而為福轉敗而為功今久

退七福而行博禍臣誠傷之上不聽是時吳呂諸侯即
山鑄錢富埒天子後卒叛逆鄧通大夫也呂鑄錢財過

王者故吳鄧錢布天下

食貨志下

文帝除盜鑄錢令賈山上書諫以為變先帝法非是章
下詔責對以為錢者亡無器也而可以易富貴富貴者
人主之操柄也令民為之是與人主共操柄不可長也

其後復禁鑄錢

賈山傳

景帝立人有告鄧通盜出徼外鑄錢下吏驗問頗有遂

竟案盡沒入之

本傳

中六年定鑄錢偽黃金棄市律

本紀

武帝元狩中盜鑄諸金錢罪皆死而民之犯者不可勝

數

食貨志

自造白金五銖錢後五歲而赦吏民坐盜鑄金錢死者

數十萬人其不自發覺相殺者不可勝計赦自出者百

餘萬人然不能半自出天下大氏無慮皆鑄金錢矣

同上

其後上林三官鑄錢既多而令天下非三官錢毋得行

而民之盜鑄錢者益少其費不能相當惟真工大姦乃

盜為之

食貨志

白金皮幣

武帝元狩中縣官大空而富商賈或滯財役貧轉穀百數冶鑄鬻鹽財或累萬金而不佐公家之急黎民重困於是天子與公卿議更造錢幣以澹用是時禁苑有白鹿而少府多銀錫有司言曰古者皮幣諸侯以聘享金有三等黃金上白金為中赤金為下今半兩錢法重四

銖而姦或盜摩錢質而取銖錢益輕薄而物貴則遠方

用幣煩費不省迺以白鹿皮方尺緣以績為皮幣

按本紀元

狩四年造白金及皮幣

直四十萬王侯宗室朝覲享必以皮幣薦

璧然後得行又造銀錫白金以為天用莫如龍地用莫

如馬人用莫如龜故曰金三品其一曰重八兩圜之其

文龍名曰撰直三千二曰以重差小方之其文馬直五

百三曰復小楯之其文龜直三百其後官鑄赤仄白金

稍賤民弗寶用縣官以令禁之無益歲餘終廢不行

貨食

志

元鼎二年罷白金

武紀

西漢會要卷五十三

欽定四庫全書

西漢會要卷五十四

宋 徐天麟 撰

食貨五

大司農錢

都內
錢附

武帝之初七十年間國家亡事都內之錢貫朽而不可

校太倉之粟紅腐而不可食

按百官表大司農
屬官有都內令丞

山海天地之藏宜屬少府陛下勿私以屬大農佐賦

食貨

志

帝比歲擊胡大司農陳臧錢經用既竭不足以奉戰士

乃令民得買爵贖罪置武功爵

同上

孝武之世開玉門通西域師旅之費不可勝計至於用
度不足迺榷酒酤筦鹽鐵鑄白金造皮幣算至車船租

及六畜

西域傳贊

元帝溫恭少欲都內錢四十萬萬

王嘉傳

漢武庫兵器繕治造作皆度大司農錢大司農錢自乘

輿不以給共養共養勞賜一出少府

母將
隆傳

少府禁錢

漢興山川園池市肆租稅之入自天子以至封君湯沐

邑皆各為私奉養不領於天子之經費

食貨
志

山海天地之藏宜屬少府

食貨志按百官表少府掌
山海池澤之稅以給共養

共養勞賜一出少府

母將
隆傳

武帝出禁錢以振元元

食貨
志

西羌之役大農錢盡乃以少府禁錢續之

賈捐
之傳

元帝溫恭少欲少府錢十八萬萬

王嘉傳

水衡錢

初大農榦鹽鐵官布多故置水衡欲以主鹽鐵及揚可

告緡上林財物衆乃令水衡主上林

食貨志

宣帝本始二年以水衡錢為平陵民起第宅

紀應劭曰水衡與少

府皆天子私藏耳縣官工作當仰給司農今出水衡錢言宣帝更為異政也

元帝溫恭少欲水衡錢二十五萬萬

王嘉傳

均輸平準

大農屬司官有均輸平準令丞

百官表孟康曰均輸謂諸當有所輸於官者皆

令輸其地土所統平其所在時價官更於它處賣之輸者既便而官有利也

元狩中桑弘羊為大司農中丞管諸會計事稍稍置均輸以通貨物漢連出兵三歲費皆仰大農大農以均輸

調鹽鐵助賦故能澹之

食貨志

元封元年弘羊以諸官各自市相爭物以故騰躍而天下賦輸或不價其儻費迺請置大農部丞數十人分部

主郡國各往往置均輸鹽鐵官

初弘羊為大農丞固已稍稍置均輸矣今既領

大農故通行其法於郡國也

令遠方各以其物如異時商賈所轉販

者為賦而相灌輸置平準于京師都受天下委輸

均輸在郡

國各轉於京師者也平準在京師總受天下之轉輸者也

召工官治車諸侯皆仰給

大農大農請官盡籠天下之貨物貴則賣之賤則買之如此富商大賈亡所牟大利則反本而萬物不得騰躍故抑天下之物名曰平準天子以為然而許之一歲之中諸均輸帛五百萬疋民不益賦而天下用饒

上

昭帝即位六年詔郡國舉賢良文學之士問以民所疾

苦皆對願罷鹽鐵酒權均輸官毋與天下爭利弘羊難

以為此國家大業安邊足用之本不可廢也

食貨志按桓寬鹽鐵

論大夫曰往者郡國諸侯各以其物貢輸往來煩雜物多苦惡或不償其費故郡置輸官以相給運而便遠之貢故曰均輸開委府于京師方以籠貨物賤則賈貴則賣是以縣官不失實商賈無所利故曰平準準則民不失職均輸則民不劬勞故平準均輸所以平萬物而便百姓也文學曰古之賦稅於民也因其所工不求所拙農人納其穫女人效其織今釋其所有責其所無百姓賤賣貨物以便上求間者郡國或令民作絮吏留難與之為市吏之所入非獨齊陶之繅蜀漢之布也皆民間之所為耳行姦賣平農民重苦必苦女工繭稅未見輸之均也縣官狽發闔門擅市即萬物並收並取則物騰躍躍騰則商賈利自市則吏容姦豪吏富商積貨儲物

以待其急輕賈姦吏收以取責未見準之平也蓋古之均輸所以齊勞逸而便貢輸非以為利而賈萬物也云

漕運

漢二年菜甬道屬河取敖倉粟

蕭何留收巴蜀使給軍食何轉漕關中給食不乏

本傳

漢初轉漕關東粟以給中都官歲不過數十萬石

食貨志

劉敬說高帝都關中張良曰關中阻三面而固守獨以

一面東制諸侯諸侯安定河渭漕輓天下西給京師諸

侯有變順流而下足以委輸劉敬說是也

良傳

武帝元光六年鄭當時為大司農言異時漕關東粟從渭上度六月罷而渭水道九百餘里時有難處引渭穿渠起長安旁南山下至河三百餘里徑易漕度可令三月罷得以損漕省卒上以為然令齊人水工徐伯表發卒數萬人穿漕渠三歲而通以漕大便利其後漕稍多而渠下之民頗得以溉矣

溝洫志按武紀元光六年穿漕渠通渭

後河東守番係言漕從山東西歲百餘萬石更底柱之

難敗亡其多而煩費穿渠引汾溉皮氏汾陰下引河溉汾陰蒲坂下度可得五千頃故盡河壩棄地民芟收其中耳今溉田之度可得穀二百萬石以上穀從渭上與關中無異而底柱之東可毋復漕上以為然發卒數萬人作渠田數歲河移徙渠不利田者不能償種其後人有上書欲通襄斜道及漕事下御史大夫張湯湯問之言抵蜀從故道多阪回遠令穿襄斜道少阪近四百里而襄水通沔斜水通渭皆可以行船漕漕從南陽上沔

入襄襄絕水至斜間百餘里以車轉從斜下渭如此漢中穀可致而山東從沔無限便於底柱之漕且襄斜村木竹箭之饒儼於巴蜀上以為然拜湯子卬為漢中守發數萬人作襄斜道五百餘里道便近而水多湍石不

可漕

溝洫志

衛青數以數萬騎出擊匈奴遂取河南地築朔方時又通西南夷道作者數萬人千里負擔餽餉率十餘鍾致一石又興十餘萬人築衛朔方轉漕甚遠自山東咸被

其勞

食貨志

武帝作柏梁臺宮室之修繇此日麗徒奴婢衆而下河漕度四百萬石及官自糴迺足

上

元封元年桑弘羊又請令民入粟補吏贖罪他郡各輸急處而諸農各致粟山東漕益歲六百萬石一歲之中太倉甘泉倉滿邊餘穀

上

昭帝元鳳二年詔曰前年減漕三百萬石

紀

三年詔曰民被水災頗匱於食其止四年毋漕

上

宣帝即位歲數豐穰耿壽昌言故事歲漕關東粟四百萬斛以給京師用卒六萬人宜糴三輔弘農河東上黨太原郡穀足供京師可省關東漕卒過半漕事果便

食貨

志

倉庾

太倉

百官表司農屬官有大倉令丞三輔黃圖云大倉蕭何造在長安城外東南

武帝之初國家亡事太倉之粟紅腐而不可食

食貨志

長安倉

宣帝紀本始四年丞相以下上書入穀輸長安倉三輔黃圖云細柳倉嘉倉在長安西渭水北

古徵西有細柳
倉城東有嘉倉

甘泉倉

張敞為甘
泉倉長

河南郡滎陽有教倉

地理志音義云教本
地名臨河有大倉

河東郡根倉溼倉

地理志

河內倉

汲黯墻制發河內
倉粟以賑貧民

郡國諸倉

百官表司農屬官
有郡國諸倉長丞

常平倉

宣帝即位穀石至五錢農民少利時大司農中丞耿壽

昌奏言故事歲漕關東粟四百萬斛以給京師用卒六
萬人宜糴三輔弘農河東上黨太原郡穀足供京師可
以省關東漕卒過半蕭望之奏壽昌未足供上不聽事
果便壽昌遂白令邊郡皆築倉以穀賤時增其價而糴
以利農貴時減其價而糴名曰常平倉民便之

食貨志
按宣紀

五鳳四年

穀常平倉

趙充國曰金城湟中穀斛八錢吾謂耿中丞糴三百萬
斛羌人不敢動矣中丞請糴百萬斛乃得四十萬斛耳


失此二策羌人故敢為逆

充國傳

元帝即位天下大水在位諸儒多言鹽鐵及常平倉可

罷毋與民爭利上從其議罷之

食貨志按紀初元五年罷常平倉



西漢會要卷五十四

欽定四庫全書

史部

西漢會要卷五十五至
六十

詳校官編修臣范來宗

編修臣程嘉謨覆勘

總校官知縣臣楊懋珩

校對官編修臣盧遂

謄錄監生臣蕭文鉦

欽定四庫全書

西漢會要卷五十五

宋 徐天麟 撰

食貨六

荒政

漢興諸侯並起民失作業而大飢饉凡米石五千人相
食死者過半高祖迺令民得賣子就食蜀漢

食貨志

漢二年關中大飢米斛萬錢人相食令民就食蜀漢

紀

文帝後元年詔曰閒者數年比不登又有水旱疾疫之
災朕甚憂之愚而不明未達其咎意者朕之政有所失
而行有過與乃天道有不順地利或不得人事多失和
鬼神廢不享與何以致此將百官之奉養或廢無用之
事或多與何其民食之寡乏也夫度田非益寡而計民
未加益以口量地其於古猶有餘而食之甚不足其咎
安在無乃百姓之從事於末以害農者蕃為酒醪以靡
穀者多六畜之食焉者衆歟細大之義吾未能得其中其與

丞相列侯吏二千石博士議之有可以佐百姓者率意

遠思無有所隱

本紀

六年大旱蝗令諸侯無入貢施山澤減諸服御損郎吏

員發倉庾以賑貧民得賣爵

紀

歲惡不入請賣爵子

如淳曰賣爵級又賣子也見食貨志賈誼疏

景帝元年正月詔曰閒者歲比不登民多乏食天絕天
年朕甚痛之郡國或磽陿無所農桑穀蓄或地饒廣薦
草莽水泉利而不得徙其議民欲徙寬大地者聽之

紀

中三年夏旱禁酤酒

紀

上郡以西旱復修賣爵令而裁其賈以招民及徒復作

得輸粟於縣官以除罪

食貨志

後二年令內郡不得食馬粟沒入縣官

食讀曰飲

徙隸衣七

緩布

索隱曰蓋合七升布

止馬春

正義曰馬碾磔之比也先時用馬今止之

為歲不登

禁天下食不造歲

史記本紀正義曰造至也禁天下費米穀恐食不至歲造七到反

三年詔曰閒歲不登意為未者衆農民寡也其令郡國

務勸農桑益種植可得衣食物吏發民若取庸采黃金

珠玉者坐贓為盜二千石聽者與同罪

紀

武帝即位河內失火上使汲黯往視之還報曰臣過河內河內貧人傷水旱萬餘家或父子相食臣謹以便宜持節發河內倉粟以賑貧民請歸節伏矯制罪上賢而釋之

傳

元狩三年勸有水災郡種宿麥舉吏民能假貸貧民者以名聞

紀

四年山東被水災民多飢乏於是天子遣使虛郡國倉

廩以振貧民猶不足又募豪富人相假貸尚不能掇乃徙貧民於闕以西及充朔方以南新秦中七十餘萬口衣食皆仰給於縣官數歲貸與產業使者分部護冠蓋

相望費以億計

食貨志

元鼎二年詔曰水潦移於江南迫隆冬至朕懼其飢寒不活江南之地火耕水耨方下巴蜀粟致之江陵遣博士中等分循行告諭所抵無令重困吏民有振捄飢民免其危者具舉以聞

紀

山東被河災及歲不登數年人或相食方二千里天子憐之令飢民得流就食江淮間欲留留處使者冠蓋相屬於道護之下巴蜀粟以振焉

食貨志

昭帝始元二年八月詔曰往年災害多今年蠶麥傷所振貸種食勿收責毋令民出今年田租

紀

宣帝本始三年大旱郡國傷旱甚者民毋出租賦三輔民就賤者且毋收事盡四年

紀

四年正月詔曰今歲不登已遣使者振貸困乏其令大

官損膳省宰樂府減樂人使歸農業丞相以下至都官
今丞上書入穀輸長安倉助貸貧民民以車船載穀入
關者得毋用傳上

元帝初元元年詔曰關東今年穀不登民多困乏其令
郡國被災害甚者毋出租賦江海陂湖園池屬少府者
以假貧民勿租賦九月關東郡國十一大水飢或人相
食轉旁郡錢穀以相救令諸宮館希御幸者勿繕治大
僕減穀食馬水衡省肉食獸紀

二年六月關東飢齊地人相食秋七月詔曰歲比災害
民有菜色慘怛於心已詔吏虛倉廩開府庫振救賜寒
者衣公卿其悉意陳朕過靡有所諱

上

三年夏大旱罷甘泉建章宮衛令就農百官各省費

上

五年詔曰迺者關東連遭災害其令大官毋日殺所具
各減半乘輿秣馬毋乏正事而已罷角抵上林宮館希
御幸者齊三服官北假田官鹽鐵官常平倉

上

永光二年詔曰間者連年不收四方咸困元元之民勞

於耕耘又亡成功困於飢饉亡以相救朕為民父母德不能覆而有其刑甚自傷焉其赦天下

紀

成帝永始二年詔曰歲比不登吏民以義收食貧民入穀物助縣官振贍者已賜直其百萬以上加賜爵右更欲為吏補三百石其吏也遷二等三十萬以上賜爵五大夫吏亦遷二等民補郎十萬以上家無出租賦三歲萬錢以上一年

紀

哀帝即位詔曰迺者河南潁川郡水出流殺人民敗壞

廬舍已遺光祿大夫循行舉籍賜死者棺錢人三千其
令水所傷縣邑及他郡國災害什四以上民貲不滿十
萬皆無出今年租賦

紀

平帝元始二年郡國大旱蝗青州尤甚民流亡安漢公
四輔三公卿大夫吏民為百姓困乏獻其田宅者二百
三十人以口賦貧民遣使者捕蝗民捕蝗詣吏以石斛
受錢天下民貲不滿二萬及被災之郡不滿十萬勿租
稅民疾疫者舍空邸第為置醫藥賜死者一家六尸以

上募錢五千四尸以上三千二尸以上二千罷安定呼池苑以為安民縣起官寺市里募徙貧民縣次給食至徙所賜田宅什器假與犁牛種食又起五里於長安城中宅二百區以居貧民

本紀

振貸

振採附

文帝元年詔曰方春和時草木羣生之物皆有以自樂而吾百姓鰥寡孤獨窮困之人或陷於死亡而莫之省憂為民父母將何如其議所以振貸之

紀

文帝出帛十餘萬匹以振貧民

賈山傳

後六年大旱蝗發倉庾以振貧民

食貨志

武帝元狩三年有水災郡舉吏民能假貸貧民者以名

聞

本紀

四年山東被水災民多飢乏於是天子遣使虛郡國倉廩以振貧猶不足又募豪富人相假貸尚不能相救迺徙貧民於關以西及充朔方以南新秦中七十餘萬口衣食皆仰給於縣官數歲貸與產業使者分部護冠蓋

相望費以億計於是公卿言郡國頗被災害貧民無產業者募徙廣饒之地陛下損膳省用出禁錢以振元元

寬貸而民不齊出南畝

食貨志

元鼎二年詔曰水潦移於江南吏民有振捄飢民免其

危者具舉以聞

本紀

是時山東被河災及歲不登數年人或相食方二千里天子憐之令飢民得流就食江淮間欲留留處使者冠蓋相屬於道護之下巴蜀粟以振焉

食貨志

河內傷水旱汲黯矯制發河內倉粟以振貧民

汲黯傳

昭帝始元元年遣使者振貸貧民無種食者

本紀

元鳳三年詔曰迺者民被水災朕虛倉廩使使者以振

困乏

本紀

宣帝本始四年詔曰今歲不登已遣使者振貸困乏使

農移就業丞相以下至都官令丞上書入穀輸長安倉

助貸貧民以車船載穀入關者得毋用傳

本紀

地節三年詔曰前下詔假公田貸種食

本紀

元帝初元元年以三輔太常郡國公田及苑可省者振業貧民貧不滿千錢者賦貸種食臨遣光祿大夫褒等十二人循行天下存問耆老鰥寡孤獨困乏失職之民又令郡國被災害甚者毋出今年租賦海江陂湖園池屬少府者以假貧民勿租賦六月以民疾疫省苑馬以振困乏九月關東郡國十一大水飢或人相食轉旁郡錢穀以相救

本紀又食貨志云天下大水關東十一郡尤甚減關中卒五百人轉穀振貸困乏

二年詔以水衡禁園宜春下苑少府飲飛外池嚴籞池

田假與貧民六月關東飢齊地人相食秋七月詔曰歲
比災害民有菜色已詔吏虛倉廩開府庫振秣賜寒者

衣

本紀

永光元年赦天下令各務農畝無田者皆假之貸種食

如貧民

本紀

成帝河平四年遣光祿大夫博士嘉等十一人行舉瀕
河之郡水所損傷困乏不能自存者財振貸其為水所
流壓死不能自葬令郡國給椁槨葬埋已葬者與錢人

二千避水它郡國在所冗食之謹遇以文理無令失職

鴻嘉四年勃海清河河溢被災者振貸之

本紀

永始二年詔曰關東比歲不登吏民以議收食貧民入穀物助縣官振贍者已賜直其百萬以上加賜爵右更欲為吏補三百石其吏也遷二等三十萬以上賜爵五大夫吏亦遷二等民補郎十萬以上家無出租賦三歲

萬錢以上一年

本紀

哀帝即位河南潁川郡水災賜死者錢三千

本紀

釋逋貸

文帝二年民貸種食未入未備者皆赦之

武帝元朔元年諸逋貸在孝景後三年以前皆勿聽治
昭帝始元二年詔所振貸種食勿收責

元鳳三年詔三年以前所振貸非丞相御史所請邊郡
受牛者勿收責

宣帝元康元年所振貸勿收

神爵元年所振貸物勿收

元帝永光四年所貸貧民勿收責

成帝建始三年諸逋租賦所振貸勿收

河平四年諸逋租賦所振貸勿收

鴻嘉元年逋貸未入者勿收

四年逋貸未入皆勿收

永始二年所振貸貧民勿收

並本
紀

西漢會要卷五十五

欽定四庫全書

西漢會要卷五十六

宋 徐天麟 撰

兵一

南北軍

京師有南北軍之屯

刑法志

高祖崩呂太后發喪哭而泣不下張辟疆謂丞相陳平曰太后畏君等今請拜呂台呂產為將將兵居南北軍

如此則太后心安丞相如辟疆計請之太后說太后病困以趙王祿為上將軍居北軍梁王產為相國居南軍戒產祿曰我即崩必據兵衛宮慎毋送喪為人所制太后崩祿產顓兵秉政因謀作亂太尉勃令酈寄給祿曰何不速歸將軍印以兵屬太尉祿然其計諸呂老人或以為不便計猶豫太尉勃欲入北軍不得入襄平侯紀通尚符節迺令持節矯內勃北軍勃復令說祿祿遂呂兵授太尉勃勃遂將北軍然尚有南軍勃令平陽侯告

衛尉母內相國產殿門產不知祿已去北軍入未央宮

欲為亂殿門弗內朱虛侯章擊產殺之還入北軍復報

大尉勃云云

見呂后紀及外戚傳臣天麟按唐李揆云漢以南北軍相制故周勃以北軍安劉氏

文帝入未央宮夜拜宋昌為衛將軍領南北軍

紀

中壘校尉掌北軍壘門內

百官表

章交公車人滿北軍

劉向傳如淳曰漢儀注中壘校尉主北軍壘門內尉一人主上書者

獄上章於公車有不如法者以付北軍尉北軍尉以法治之

軍正丞

胡建傳師古曰南北軍各有軍正正又置丞

武帝使任安護北軍

史記

戾太子召監北軍使者任安發北軍兵安受節已閉軍

門不肯應太子

劉屈楚傳

北軍錢官

史記任安答辱北軍錢官小吏

江充為直指繡衣使者督三輔盜賊禁察踰侈貴戚近臣多奢僭充皆舉劾奏請没入車馬令身待北軍擊匈奴奏可充即移書光祿勳中黃門逮名近臣侍中諸當詣北車者移易門衛禁止無令得出入宮殿於是貴戚

子弟惶恐皆見上叩頭求哀願得入錢贖罪上許之令

各以秩次輸錢北軍凡數千萬

江充傳

公孫敬聲坐擅用北軍錢千五百萬下獄

表

大司馬霍光薨發材官輕車北軍五校士軍陳至茂陵

以送其葬

本傳

張安世為衛將軍兩宮衛尉城門北軍兵屬焉

本傳

黃霸為京兆尹發騎士詣北軍

本傳

胡建守軍正丞監軍御史穿北軍壘垣以為賈區建斬

之上奏以聞

衛將軍軍

高帝五年王恬啟以衛將軍擊陳豨

功臣表按蔡質漢儀云漢興置衛將

軍典京師兵

衛邊方屯警

文帝拜宋昌為衛將軍領南北軍

見南北軍條

二年罷衛將軍軍

本紀

三年發中尉材官屬衛將軍軍長安

本紀

車騎將軍屯兵

孝宣地節三年罷車騎將軍屯兵

本紀臣天麟按蔡質漢儀云漢興置車騎

將軍衛將軍左右前後將軍典京師兵衛邊方屯警

右將軍屯兵

孝宣地節三年罷右將軍屯兵

本紀

期門羽林

光祿勳屬官期門羽林皆屬焉

期門羽林皆宿衛官故屬南軍

期門掌

執兵送從

服虔曰與期門下以微行後遂以名官東方朔傳云微行常用飲酎已八九月中與侍中

常侍武騎及侍詔離西北地良家子能騎射者期諸殿門故有期門之號自此始

武帝建元三

年初置北郎無員多至千人有僕射秩比千石平帝元

始元年更名虎賁郎置中郎將秩比二千石羽林掌送

從

師古曰羽林亦宿衛之官言其如羽之疾如林之多

次期門

蔡質漢儀曰羽林府次虎賁府

武

帝太初元年初置名曰建章營騎後更名羽林騎又取

從軍死事之子孫養羽林號曰羽林孤兒

宣紀注云少壯全從軍

羽林有令丞宣帝令中郎將騎都尉監羽林秩比二千

石百官表

漢興六郡良家子選給期門羽林呂材力為官名將多

出馬

地理志師古曰六郡謂隴西天水安定北地郡西河如淳曰醫巫商賈不得與也

羽林黃頭郎

杖乘傳蘇林曰羽林黃頭郎習水戰者也

甘延壽以良家子善騎射為羽林投石拔距絕於等倫

嘗超踰羽林亭樓由是遷為郎試弁為期門

本傳

霍光都肄郎羽林

霍光傳

都郎羽林

燕刺王傳

衛士

衛尉掌宮門屯衛兵屬官有衛士旅賁令丞又諸屯衛

次定四車全書

西漢會要

五

侯司馬二十二官皆屬焉

百官表

武帝建元元年詔衛士轉置送迎常二萬人其省萬人

紀本

宣帝即位長樂宮初置屯衛

紀本

元康元年各置建章宮衛

紀本

元帝初元三年罷甘泉建章宮衛

紀本

執楯執戟武士

馬 惠帝紀

諸廟寢園祭祀用衛士四萬五千一百二十九人

韋玄成傳

正月行幸曲臺臨饗衛士

王尊傳

蓋寬饒為衛司馬及歲盡交代上臨饗罷衛卒衛卒數

千人願復留共更一年

蓋寬饒傳

中尉兵

中尉掌徵循京師武帝更名執金吾左右京輔都尉尉

丞卒皆屬焉

百官表

文帝拜馮唐為車騎都尉主中尉及郡國車士

本傳

武帝元鼎六年發中尉卒擊呂嘉

本紀

城門兵

城門校尉掌京師城門屯兵有司馬

百官表師古曰八屯各有司馬

十二城門侯

百官表師古曰門各有侯蕭望之為小苑東門侯是也

武帝征和二年以太子在外置屯兵長安諸城門

劉屈氂傳

張安世為衛將軍城門北軍兵屬焉

本傳

孔光為太師領城門兵

孔光傳

成都侯王商以特進領城門兵置幕府得舉吏如將軍

元后

傳

紅陽侯王立位特進領城門兵

元后傳

平阿侯王譚位特進領城門兵

杜鄴傳又元后傳

司隸校尉

司隸校尉武帝征和四年初置持節從中都官徒千二

百人捕巫蠱督大姦猾後罷其兵

百官表

七校

武帝平百粵內增七校

刑法志晉灼曰百官表中墨屯騎步兵越騎長水胡騎射聲虎

賁凡八校尉胡騎不

常置故此言七也

飲飛射士

少府屬官有左戈令掌戈射武帝更名為飲飛

百官表服虔曰

周時波江越人在船下負船將覆之飲飛入水殺之漢因以材力名官

宣帝神爵元年發飲飛射士詣金城

紀

元帝永光二年發迹射飲飛射者擊羌

馮奉世傳

輯濯士

水衡屬官有輯濯令丞

百官表如淳曰船官也

戾太子矯制發輯濯士以子大鴻臚商丘成

劉屈氂傳

胡越騎

越騎校尉掌越騎

越人內附以為騎也

胡騎校尉掌池陽胡騎不

常置

百官表按胡越騎皆已在八校之數自昭宣以後或以他官兼領故別見此一條

自昭帝時霍山以奉車都尉領胡越兵

霍光傳

元帝永光二年發三輔河東弘農越騎擊羌

馮奉世傳

成帝時金沙為侍中騎都尉領三輔胡輔騎

本傳師古曰胡越騎

之在三輔者若長水長楊宣曲之屬是也

羌騎

欽定四庫全書

宣帝神爵元年發羌騎詣金城

本紀

元帝永光二年發呼速索噉種擊羌

馮奉世傳

材官

以下係郡國兵

漢興踵秦而置材官於郡國

刑法志按漢官儀云高祖命天下選能引關躡張材

力武猛者以為輕車騎士材官樓船常以秋後講肄各有員數平地用輕車山阻用材官水泉用樓船

高帝十一年發巴蜀材官衛軍霸上

本紀

惠帝七年發車騎材官詣滎陽

本紀

文帝三年發中尉材官屬衛將軍軍長安

本紀

晁錯上言兵事曰平地通道則以輕車材官制之

本傳

爰盎以材官蹶張遷為隊帥

本傳

景帝後二年發車騎材官屯鴈門

紀

武帝元光二年大中大夫李息為材官將軍擊匈奴

本紀

王恢擊匈奴伏兵車騎材官三十餘萬匿馬邑旁谷中

韓安

國傳

宣帝神爵元年發三河潁川沛郡淮陽汝南材官詣金

城

本紀

欽定四庫全書

大司馬霍光薨發材官輕車北軍五校士軍陳至茂陵

以送其葬

本傳

輕車

惠帝七年發車騎詣滎陽

紀

馮唐拜車騎都尉主中尉及郡國車士

本傳

晁錯上言兵事曰平地通道則以輕車材官制之

本傳

宣帝本始二年調關東輕車銳卒救烏孫

紀

發材官輕車送霍光葬

見上材官條

騎士

高后五年發河車上黨騎士屯北地

紀

武帝征和元年發三輔騎士大搜上林

本紀

宣帝神爵元年發金城隴西天水安定北地上郡騎士

擊羌

趙充國傳

黃霸守京兆尹發騎士詣北軍

樓船

外有樓船

刑法志又漢官儀見上林官條法

枚乘說吳王曰漢知吳有吞天下之心也遣羽林黃頭

循江而下襲大王之都

枚乘傳蘇林曰羽林黃頭郎習水戰者也

鄧通以濯船為黃頭郎

本傳師古曰濯船能持濯行船也王勝水其色黃故刺船之郎

皆著黃帽因號曰黃頭郎也濯讀曰濯音直孝反

吳王伐江陵之木以為船

伍被傳

伍被為淮南王畫計曰有尋陽之船

伍被傳

閩越王入燔尋陽樓船

嚴助傳師古曰漢有樓船貯在尋陽也

武帝建元三年嚴助浮海救東甌

助傳

粵欲與漢用船戰逐迺大修昆明池列館環之治樓船
高十餘丈旗幟加其上甚壯元鼎五年南越反因南方
樓船士二十餘萬人擊之

食貨志

元鼎五年南越王相呂嘉反遣伏波將軍路博德出桂
陽下湟水樓船將軍楊僕出豫章下真水歸義越侯嚴
為戈船將軍出零陵下離水甲為下瀨將軍下蒼梧皆
將軍人江淮呂南樓船十萬人越馳義侯遺別將邑罪
罪人發夜郎兵下牂柯江咸會番禺

本紀

卜式願與博昌習船者擊呂嘉

本傳

武帝欲伐南越淮南王安諫曰越處溪谷之間篁竹之中習於水鬪便於用舟地深昧而多水險今發兵控舟而入水水道上下擊石死傷者必衆矣前時南海王反陛下先臣使將軍間忌擊之會天暑多雨樓船卒水居擊擢未戰而疾死者過半云云

嚴助傳

元鼎六年東越王反攻殺漢將吏遣橫海將軍韓說中尉王溫舒出會稽樓船將軍楊僕出豫章擊之又遣浮

沮將軍公孫賀出九原匈河將軍趙破奴出令居

本紀

東粵數反拜買臣為會稽太守詔到郡治樓船備糧食

水戰具

朱買臣傳

元封二年遣樓船將軍楊僕從齊浮渤海擊朝鮮

朝鮮傳

屬國騎

武帝遣趙破奴將屬國騎及郡兵數萬以擊胡

張騫傳

太初元年以李廣利為貳師將軍發屬國六千騎期至

貳師取善馬

屯田卒

武帝元鼎五年初置張掖酒泉郡而上郡朔方西河河

西開田官斥塞卒六十萬人戍田之

食貨志

孝武征殊方開西域自燉煌西至鹽津往往起亭而輪臺渠犁皆有田卒數百人置使者校尉領護以給使外

國者

西域傳

宣帝地節二年遣侍郎鄭吉校尉司馬喜將免刑罪人田渠犁積穀欲以攻車師至秋後收吉喜發城郭諸國

兵萬餘人自與所將田士千五百人共擊車師

西城傳

趙充國至金城願罷騎兵留弛刑應募及淮陽汝南步兵與吏士私從者合凡萬二百八十一人分屯要害處至春月草生發郡騎及屬國胡騎伉健各千倅馬十二就草為田者遊兵以充入金城郡

本傳詳見屯田條

元帝建昭三年甘延壽陳湯矯制發城郭諸國兵車師戊己校尉屯田吏士誅斬邾支單于

西漢會要卷五十六

欽定四庫全書

西漢會要卷五十七

宋 徐天麟 撰

兵二

教閱

武帝太初二年令天下腰五日

本紀如淳曰立秋 獬腰伏儼曰腰音劉劉殺也

師古曰續漢書作獬劉腰劉義名通耳漢儀注云立秋之日斬牲於郊東門外以薦陵廟武官肄兵習戰陣之儀斬牲之禮名曰獬劉兵官皆

肄孫吳六十四陣名曰乘之

霍光都肄郎羽林

霍光傳

都郎羽林

燕刺王傅師古曰謂大會試之

九月都試

程方進傳如淳曰太守都尉令長相丞會都試課殿最也

韓延壽為東郡太守都試騎士治飾兵車畫龍虎朱爵
延壽黃袍方領駕四馬傅總建幢棨植羽葆鼓車歌車
功曹引車皆駕四馬載棨戟五騎為伍分左右部軍假
司馬千人持幢旁轂歌者先居射室望見延壽車噉咷
楚歌延壽坐射室騎吏持戟夾陛列立騎士從者帶弓

鞬羅後令騎士兵車四面營陳被甲鞬鞞居馬上抱弩
負蘭又使騎士戲車弄馬盜驂及治飾車甲三百萬以
上於是蕭望之劾延壽上僭不道坐棄市

韓延壽傳

絲戍

秦用商鞅之法月為更卒已復為正一歲屯戍一歲力

役三十倍於古漢興循而未改

食貨志又昭紀如淳注云天下人皆直戍邊三

日亦名為更律所謂絲戍也雖參相子亦在戍邊之調不可人人自行三日戍又行者當自戍三日不可往便還因便住一歲一更諸不行者出錢三百入官官以給戍者是為過更也漢初因秦法而行之後遂改易有謫

乃戌邊
一歲耳

高后五年初令戌卒歲更

本紀

遠方之卒守塞一歲而更

晁錯傳

文帝減外繇

賈山傳

十三年除戌卒令

大史記事

景帝後二年省繇賦

本紀

武帝賜卜式外繇四百人

卜式傳蘇林曰外繇謂戌邊也一人出三百錢謂之過更

式歲省十二萬錢也一說在繇役之外得復除四百人也師古曰一說是也

元狩三年減隴西北地上郡戍卒半

本紀

天漢元年發謫戍屯五原

本紀

昭帝元平元年減外繇

本紀

宣帝五鳳四年以邊塞亡寇減戍卒什二

本紀

淮南之地縣屬於漢其吏民往來長安者自悉而補中

道衣敝錢用諸費稱此

賈誼傳

蓋寬饒身為司隸子弟常步行戍邊

本傳

調發

羽檄

虎符

高祖曰吾以羽檄名天下兵

本紀師古曰檄者以木簡為書長尺二寸用呼名也

其有急事則加以鳥

羽種之示疾速也

文帝二年初與郡國守相為銅虎符

史記本紀漢書無國相二字

齊王欲發兵誅諸呂魏勃曰王欲發兵非有漢虎符驗也

御史中丞劾馮野王持虎符出界歸家遂免

傳

淮南王盜鳥虎符

賈捐之傳

武帝建元三年東甌告急上曰吾新即位不欲出虎符

召兵郡國乃遣嚴助以節發會稽兵會稽守欲距法不

為發助乃斬一司馬諭指意遂發兵

嚴助傳

戾太子以節發兵

武紀征和二年

七國敗弓高侯誥膠西王邛曰未有詔虎符擅發兵王

其自圖之邛遂自殺

吳王濞傳

公孫戎奴為上黨太守發兵不以聞免

功臣表

段會宗為西域都護以擅發戍已校尉之兵乏興有詔

贖論

本傳

黎扶為東海太守坐擅發卒為衛當斬

功臣表

選募

勇敢 仇健

犇命 募士

武帝天漢四年發勇敢士出朔方

紀

趙王彭祖願從國中勇敢擊匈奴

景十三王傳

李陵將勇敢五千人教射酒泉張掖以備胡

本傳

昭帝始元元年募吏民及發犍為蜀郡犇命擊益州

本紀

注云常兵不足故權選取精
勇聞命犇走故謂之犇命

灌夫伐吳王募軍中壯士所善願從者數十人

灌夫傳

宣帝本始二年選郡國吏三百石伉健習射者皆從軍

紀本

神爵元年發應募詣金城

紀本

趙充國願罷騎兵留弛刑應募

紀本

元帝永光二年發募士萬人擊西羌

平帝元始二年募汝南南陽勇敢吏士三百人諭說江

湖賊

紀本

發謫徒

七科謫
亡命

惡少年
弛刑

高帝十一年征英布赦天下死罪令從軍

紀本

惠帝三年發諸侯王徒隸二萬人城長安

紀本

武帝元狩三年發謫吏穿昆明池

本紀師古曰吏有罪者罰而役之

元鼎五年呂嘉反遣路博德皆將罪人馳義越侯遣別

將巴蜀罪人咸會番禺

紀本

元封二年四月募天下死罪擊朝鮮六月遣楊僕荀彘

將應募罪人擊朝鮮

紀本

六年赦京師亡命令從軍

紀本

太初元年以李廣利為貳師將軍發郡國惡少年數萬

人期至貳師取善馬

李廣利傳

太初元年發天下謫民西征大宛

本紀

天漢元年發謫戍屯五原

本紀

四年發天下七科謫出朔方

本紀張晏曰吏有罪一亡命二贅壻三賈人四故有

市籍五父母有市籍六大

父母有市籍七凡七科也

昭帝元鳳元年武都氐人反發三輔太常徒皆免刑擊

之

本紀

五年發三輔及郡國惡少年吏有告劾亡者屯遼東

紀本

六年募郡國徒築遼東玄菟城

紀本

宣帝神爵元年發三輔中都官徒施刑詣金城

紀本

行伍部校

什伍俱前

晁錯傳師古曰五人為伍二伍為什

李廣擊胡行無部曲行陣

本傳注引續漢書百官志云將軍領軍皆有部曲大將軍

營五部校一人部下
有部曲有軍候一人

馮唐曰士卒皆家人子起田中從軍安知尺籍伍符

馮唐

傳李奇曰尺籍所以書軍令
伍符五五相保之符信也

韓延壽都試騎士五騎為伍

本傳

什器

平帝紀天下吏舍亡得置什器師古曰軍法五人為五十人為什則共其器物故通謂生生之具為

什器亦猶今之從軍作役者十人為火共蓄調度也

傳校

衛青傳傳校獲王師古曰校者營壘之稱故謂軍之一部為一校

益置揚威白虎合騎之校

陳湯傳師古曰一校則別為一部故軍稱校也

諸校

韓信傳師古曰諸校諸部也猶今言諸營

校司馬

南粵傳校司馬蘇弘

部勒行陣

陳湯傳

王尊坐擅離部曲會赦免

本傳

壁壘

中壘校尉掌北軍壘門內

百官表

文帝勞軍細柳先驅至不得入先驅曰天子且至軍門都尉曰軍中聞將軍之令不聞天子之詔有頃上至又不得入於是上使使持節詔將軍曰吾欲勞軍亞夫乃

傳言開壁門

周亞夫傳

李陵軍居兩山間以大車為營

本傳

胡建守軍正丞時監軍御史為姦穿北軍壘垣以為賈
區建斬之遂上奏曰黃帝李法曰壁壘已定穿窬不繇
路是謂姦人姦人者殺臣謹以斬昧死以聞

胡建

京師兵器

蕭何治未央宮立武庫

高紀按三輔黃圖武庫在未央宮蕭何造以藏兵器

中尉屬官有武庫令丞少府屬官有若盧考工室令丞

百官表注云若盧主藏

兵器考工主作器械

欽定四庫全書

西漢會要
卷五十七

八

工官

地理志河南南陽濟南泰山潁川河內蜀廣漢等郡皆有工官臣天麟按工官雖在外郡而所作器

械實輸京師故武帝邊兵不足乃發武庫工官兵以澹之也

武庫精兵所聚故以丞相子為令

魏相傳

武帝征伐邊兵不足迺發武庫工官兵以澹之

食貨志

戾太子矯制發武庫兵

劉屈氂傳

成帝發武庫兵前後十輩送董賢及乳母王阿舍毋將

隆奏言武庫兵器天下公用國家武備繕治造作皆度

大司農錢漢家邊吏職在距寇亦賜武庫兵皆任其事

然後蒙之臣請收還武庫

母將
隆傳

羽林孤兒教以五兵

師古曰五兵謂弓
矢及矛戟戟也

郡國兵器

高帝八年令賈人毋得操兵乘騎馬

本傳

晁錯說文帝募民徙塞下曰以便為之高城深塹具蘭

石布渠答

晁錯傳如淳曰蘭石城上雷
石也蘇林曰渠答鐵蒺藜也

武帝征伐邊兵不足乃發武庫工官兵以澹之

食貨
志

武帝時公孫弘奏言民不得挾弓弩吾丘壽王對不便

上以難弘弘誣服焉

吾丘壽王傳

昭帝始元五年罷天下馬弩關

本紀注云漢法弩十石以上不得出關

江都王建聞淮南衡山陰謀恐一日發為所并遂作兵

器鑄將軍都尉印遣人通越

江都易王傳

膠東康王聞淮南王謀反私作兵車鏃矢戰守之備

景十

三王傳

成帝陽朔三年潁川鐵官徒申屠聖等殺長吏盜庫兵

本紀

鴻嘉三年廣漢男子鄭躬等攻官寺篡囚徒盜庫兵

紀本

永始三年山陽鐵官徒蘇令等反盜庫兵

紀本

燕王旦反詐言受武帝詔得領庫兵飭武備

武五子傳

平帝元始三年陽陵任橫等盜庫兵攻官寺

紀本

上郡庫令

成帝紀建始元年注云比邊郡庫官之兵器所藏故置令

南郡發弩官主教放弩

地理志

雜錄

文帝時晁錯言兵事曰臣聞用兵臨戰合刃之急者三

一曰得地形二曰卒服習三曰器用利兵法曰丈五之
溝漸車之水山林積石經川丘阜少木所在此步兵之
地也車騎二不當一土山丘陵曼衍相屬平原廣野此
車騎之地步兵十不當一平陵相遠川谷居間仰高臨
下此弓弩之地也短兵百不當一兩陳相近平地淺少
可前可後此長戟之地也劔楯三不當一萑葦竹蕭少
木蒙龍支葉茂接此矛鋌之地也長戟二不當一曲道
相伏險阨相薄此劔楯之地也弓弩三不當一士不選

練卒不服習起居不精動靜不集趨利弗及避難不畢
前擊後解與金鼓之音相失此不習勒卒之過也百不
當十兵不完利與空手同甲不堅密與袒裼同弩不可
以及遠與短兵同射不能中與亡矢同中不能入與亡
鏃同此將不省兵之禍也五不當一故兵法曰器械不
利以其卒予敵也卒不可用以其將予敵也將不知兵
以其主予敵也君不擇將以其國予敵也四者兵之至
要也臣又聞小大異形疆弱異勢險易異備夫卑身以

事彊小國之形也合小以攻大敵國之形也以蠻夷攻蠻夷中國之形也今匈奴地形技藝與中國異上下山阪出入溪澗中國之馬弗與也險道傾仄且馳且射中國之騎弗與也風雨罷勞飢渴不困中國之人弗與也此匈奴之長技也若夫平原易地輕車突騎則匈奴之衆易撓亂也勁弩長戟射疏及遠則匈奴之弓弗能格也堅甲利刃長短相雜遊弩往來什伍俱前則匈奴之兵弗能當也材官驍發矢道同的則匈奴之革筰木薦

弗能支也下馬地鬪劍戟相接去就相薄則匈奴之足
弗能給也此中國之長技也以此觀之匈奴之長技三
中國之長技五陛下又興數十萬之衆以誅數萬之匈
奴衆寡之計以一擊十之術也雖然兵凶器戰危事也
以大為小以彊為弱在俛仰之間耳夫以人之死爭勝
跌而不振則悔之亡及也帝王之道出於萬全今降胡
義渠蠻夷之屬來歸誼者其衆數千飲食長技與匈奴
同可賜之堅甲絮衣勁弓利矢益以邊郡之良騎令明

將能知其習俗和輯其心者以陛下之明約將之即有險阻以此當之平地通道則以輕車材官制之兩軍相為表裏各用其長技衡加之以衆此萬全之術也

晁錯傳

蘭石

晁錯傳具蘭石如淳曰城上雷石也

渠答

晁錯傳布渠答蘇林曰渠答鐵蒺藜也

遊弩

晁錯傳遊弩往來

大黃

李廣傳以大黃射其禪將服虔曰黃肩弩也

連

李陵傳發連弩射單于

刁斗

李廣傳孟康曰以銅作鋌受一斗晝炊飪夜擊持行名曰刁斗

壘石

李陵傳師古曰壘音盧對反

西漢會要卷五十七

欽定四庫全書

西漢會要卷五十八

宋 徐天麟 撰

兵三

兵占

漢中四星曰天駟旁一星曰王梁王梁策馬車騎滿野

天文志

歲星所在國不可伐可以伐人

天文志

見橈雲如牛槍雲如馬槍橈楛彗異狀其殃一也必有

破國

天文志

日方南太白居其南日方北太白居其北為羸用兵進

吉退凶

天文志

武帝建元六年八月長星出于東方長終天三十日去

占曰是為蚩尤旗見則王者征伐四方其後兵誅絕域

連數十年元狩四年長星又出西北是時征伐尤甚

五行

上既悔遠伐征迺下詔曰曩者朕之不明以軍侯弘上

書言匈奴縛馬前後足置城下馳言秦人我匈奴若馬又漢使者久留不還故興師遣貳師將軍欲以為使者威重也古者卿大夫與謀參以著龜不吉不行迺者以縛馬書徧視丞相御史二千石諸大夫郎為文學者迺至郡屬國都尉成忠趙破奴等皆以虜自縛其馬不祥甚哉或以為欲以見彊夫不足者視人有餘易之卦得大過爻在九五匈奴困敗公車方士太史治星望氣及太卜龜著皆以為吉匈奴必破時不可再得也又曰北伐

行將於黼山必克卦諸將貳師最吉故朕親發貳師下
黼山詔之必毋深入今計謀卦兆皆反繆重合侯得虜
侯者言聞漢軍當來匈奴使巫埋羊牛所出諸道及水
上以詛軍單于遺天子馬裘裳使巫祝之縛馬者詛軍
事也又卜漢軍一將不吉

西域傳

兵陰陽者順時而發隨斗擊因五勝假鬼神而為助者

也

藝文志

宣帝以書敕趙充國曰今五星出東方中國大利蠻夷

大敗太白出高用兵深入敢戰者吉弗敢戰者凶將軍

急裝因天時誅不義萬下必全勿復有疑

趙充國傳

成帝鴻嘉三年天水冀南山石鳴聲隆隆如雷有頃止
聞平襄二百四十里壄雞皆鳴石長丈三尺廣厚略等
旁著岸脇去地二百餘丈民俗名曰石鼓石鼓鳴有兵

五行

志

軍功

高祖五年克項羽五月兵皆罷歸軍吏卒會赦其亡罪

而亡爵及不滿大夫者皆賜爵為大夫故大夫以上賜爵各一級其士大夫以上皆令食邑非七大夫以上皆復其身及戶勿事

六年始剖符封功臣

封功臣見職官門

武帝元朔六年六月詔曰日者大將軍巡朔方征匈奴斬首虜萬八千級諸禁錮及有過者咸蒙厚賞得免減罪今大將軍仍復克獲斬首萬虜九千級受爵賞而欲移賣者無所流馳其議為令有司奏請置武功賞官以

寵戰士

本紀

武功爵

臣瓚曰茂陵中書有武功爵一級曰造士二級曰開與衛三級曰良士四級曰元戎士五級曰

官首六級曰政戾庶長十一級曰軍衛此武帝所制以寵

戎十級曰政戾庶長十一級曰軍衛此武帝所制以寵

軍功師古曰此下云級十七萬凡直三十餘萬金今瓚所引茂陵中書止於十一級則數不足與本文乖矣或

者茂陵書說之 級十七萬凡直三十餘萬金諸買武功爵

官首者試補吏先除千夫如五大夫其有罪又減二等爵得至樂卿呂顯軍功軍功多用超等大者封侯卿大

夫小者郎

食貨志

欽定四庫全書

西漢會要

四

李蔡擊右賢王有功中率為樂安侯諸將多中首虜率

為侯者

李廣傳

李廣出右北平為匈奴所圍軍幾沒罷歸廣軍自當已
賞

霍去病斬捕首虜過當封侯

師古曰軍失亡者少而匈奴殺獲數多故曰過當也

馮奉世使大宛以便宜發兵誅莎車王蕭望之以奉世
奉使有指春秋之義亡遂事漢家之法有矯制雖有功

効不可為後世法故不得侯

師古曰漢家之法擅矯命雖有功劳不如賞也

貳師既伐大宛軍官吏為九卿三人諸侯相郡守二千石百餘人千石以下千餘人奮行者官過其望以適過

行者皆黜其勞士率賜直四萬錢

李廣
利傳

左將軍荀彘擊朝鮮坐爭功棄市

武紀

魏尚為雲中守上功莫府首虜差六級下吏削其爵罰

作之

馮唐
傳

軍法

韓信申軍法

高紀

漢興張良韓信序次兵法凡百八十二家刪取要周定著三十五家諸呂用事而盜取之武帝時軍正楊僕摺撫遺逸紀奏兵錄猶未能備至于孝武命任宏論次兵書為四種兵權謀十三家兵形執十一家陰陽十六家兵技巧十三家凡兵書五十三家七百九十篇圖四十

三卷

藝文志

高后七年朱虛侯章入侍燕飲太后令章為酒吏章自請以軍法行酒諸呂有一人醉亡酒章追斬之太后業

已許其軍法無以罪也

齊悼惠王傳

綉衣御史暴勝之持斧逐捕盜賊以軍興從事誅二千

石以下

萬不疑傳臣天麟按漢法吏六百石以上有罪皆先請見於宣帝末年之詔至於軍興從事則

雖二千石以下亦得誅決於外暴勝之是也至其後劉屈氂斬斂司直亦以軍興法行之而勝之乃爭以為不可故被誣而自殺

唐蒙通夜郎用軍興法誅其渠率

司馬相如傳

廣漢郡盜賊羣起成帝拜趙護為廣漢太守以軍法從

事

薛宣傳

胡建守軍正丞時監軍御史為姦穿北軍壘垣以為賈
區建欲誅之迺約其走卒曰我欲與公有所誅吾言取
之則取斬之則斬於是當選士馬曰監御史與護軍諸
校列坐堂皇上建從走卒趨至堂皇下拜謁因上堂皇
走卒皆上建指監御史曰取彼走卒前曳下堂皇建曰
斬之遂斬御史護軍諸校皆愕驚不知所以建亦已有
成奏在其懷中遂上奏曰臣聞軍法立武以威衆誅惡
以禁邪今監御史公穿軍垣以求賈利私買賣以與士

市不立剛毅之心勇猛之節亡以師先士大夫尤失理
不用文吏議不至重法黃帝李法曰壁壘已定穿窬
不繇路是謂姦人姦人者殺臣謹按軍法曰正亡屬將
軍將軍有罪已聞二千石以下行法焉丞於用法疑執
事不諉上臣謹以斬昧死以聞制曰司馬法曰國容不
入軍軍容不入國何文吏也三王或誓於軍中欲民先
成其慮也或誓於軍門之外欲民先意以待事也或將
交刃而誓致民志也建又何疑焉

胡建傳

金布令甲曰邊郡數被兵離飢寒天絕天年父子相失

令天下共給其費

蕭望之傳

棄軍逃亡

多卯將兵追反虜擅棄兵還贖罪免

功臣表

景帝三年詔今漚等已滅吏民當坐漚等及逋逃亡

軍者皆赦之

本紀

蘇賢為騎士屯霸上不詣屯所乏軍興

趙廣漢傳

畏懦後期

博望侯張騫坐以將軍擊匈奴畏懦當斬贖罪免

表按

本傳云

坐後期

天漢三年匈奴入鴈門太守坐畏懦棄市

武紀如淳曰軍法行

逗留畏懦者要斬

將梁侯楊僕坐為將軍擊朝鮮畏懦入竹二萬箇贖完

為城旦

功臣表武帝責僕書曰失期內顧以道惡為解

公孫敖以將軍出北地後驃騎失期當斬贖為庶人

按霍去病傳云坐行留不與驃騎將軍會

王恢主擊匈奴輜重單于還去廷尉當恢逗撓當斬

韓安
國傳

失亡過多

公孫敖為騎將軍出代亡卒七千人當斬贖為庶人

後失亡士卒多下吏當斬

本傳

李廣擊匈奴坐亡失多當斬

楊僕擊朝鮮坐亡失多免為庶民

蘇建為前將軍與翁侯趙信俱敗獨身來歸當斬

虜獲不實

魏尚為雲中守上功幕府差首虜六級下吏削其爵

罰作之

馮唐傳

高不識坐擊匈奴增首不以實當斬

表

車順坐擊匈奴盜虜獲自殺

車千秋傳

臨祭侯孫襄坐擊番禺奪人虜獲免

表

武帝責楊僕書曰前破番禺捕降者以為虜掘死人

以為獲是一過

傳

澹清侯參坐匿朝鮮已虜下獄表

爭功

左將軍荀勗擊朝鮮坐爭功棄市表

亂屯兵

中郎將邛入至趙充國幕府司馬中亂屯兵下吏自

殺趙充國傳

迷失道

衛青擊匈奴徙李廣與右將軍趙食其合軍出東道

惑失道後大將軍廣自殺右將軍下吏當死贖為庶

人

本傳

乏軍興

趙廣漢坐擅斥除騎士乏軍興

本傳

蘇賢為騎士屯霸上不詣屯所乏軍興

趙廣漢傳

黃霸守京兆尹發騎士詣北軍調馬不適士劾乏

軍興連貶秩

本傳

段會宗擅發戍已校尉兵乏興有詔贖論

本傳

韓延年行大行令事擅留外國書一月之興入穀全

為城旦

功臣表

擅興

邗侯李壽為衛尉居守擅出長安界誅

表

公孫賀子敬聲擅用北軍錢千九百萬下獄

公孫賀傳

燕王旦上書言霍光擅益幕府校尉疑有非常王尊

坐擅離部曲免

本傳

西漢會要卷五十八